

Sindicalista Anselmo Pontilius ta yama Parlamentario Robert Maduro pa 'Bobo'

Parlamentario Robert Maduro ta yama sindicalista Pontilius pa lepiado

STA. CRUZ – Anselmo Pontilius den un rueda di prensa a yama parlamentario di MEP pa un bobo. Mientras cu sr. Maduro ta bisa cu locual sr. Pontilius a bisa, e ta papia mas bien di su mes. Pontilius ta culpa gobierno cu awe Riu no a emplea e ex - trahadornan di Aruba Grand Hotel y mas

ainda no a manda ni un contesta riba nan solicitud. Sr.. Robert Maduro ta splica cu Pontilius mester tira culpa riba su mes, cu ainda e trahadornan ta para den un incertidumbre.

Pasobra na momento di venta di Aruba Grand Hotel na e compania di Riu, e hotel tabata

bashi. Sr. Anselmo Pontilius a lepia y nan como sindicato cu ta representa e trahadornan di Aruba Grand Hotel mester a waak cu tabata tin un contract y un traspaso di e empleadonan. Na momento cu a bay amplia e hotel, a pidi permiso. Gobierno e ora a pone condicion na interes di trahador na prome

lugar. Gobierno e ora a percura pa seguridad di empleo pa e trahadornan, asumiendo asina posicion di un sindicato (den e caso aki FTA). Gobierno a pone riba papel y a bay den un acuerdo mutuo.

Pa solamente 10 funcion so Riu por pidi vergunning, mientras

cu esaki ta mara na 3 aña di permiso pa por keda legal. Cu e excusa cu den e tres aña aki e gerente of e stranhero mester por a entrena un Arubiano pa asumi e funcion aki.

Esaki segun Ir. Robert Maduro, Anselmo Pontius a lepia formal, lagando su propio miembronan na caya.